




大正新編

大藏經

新編大藏經

目次

二五六二	常光國師語錄(二卷).....	日本	空谷明應 侍者編語.....	一
二五六三	大通禪師語錄(六卷).....	日本	愚中周及 侍者某甲編語.....	四六
二五六四	永源寂室和尚語錄(二卷).....	日本	寂室玄光語.....	一〇一
二五六五	佛頂國師語錄(五卷).....	日本	一絲文守 文光編語.....	一三六
二五六六	大燈國師語錄(三卷).....	日本	宗峯妙超 侍者性智等編語.....	一九一
二五六七	徹翁和尚語錄(二卷).....	日本	徹翁義興 遠孫禪興編語.....	二四二
二五六八	雪江和尚語錄(一卷).....	日本	雪江宗深 遠孫禪悅輯語.....	二七一
二五六九	景川和尚語錄(二卷).....	日本	景川宗隆 侍者某等編語.....	二八六
二五七〇	虎穴錄(二卷).....	日本	悟溪宗頓 門人某等編語.....	三二三
二五七一	少林無孔笛(六卷).....	日本	東陽英朝 侍者某等編語.....	三四七

二五七二	見桃錄(四卷).....	日本	大休宗林語.....	四二二
二五七三	西源特芳和尚語錄(三卷).....	日本	遠孫比丘等編.....	四七九
二五七四	槐安國語(七卷).....	日本	特芳禪傑語.....	五一一
二五七五	宗門無盡燈論(二卷).....	日本	白隱慧鶴語.....	五八一
二五七六	五家參祥要路門(五卷).....	日本	東嶺圓慈撰.....	六〇五
二五七七	大鑑清規(一卷).....	日本	清拙正澄撰.....	六一九
二五七八	諸回向清規(五卷).....	日本	天倫楓隱撰.....	六二四
二五七九	小叢林清規(三卷).....	日本	無著道忠撰.....	六八八

Wt 144/01

特賜佛日常光國師空谷和尚語錄卷上

侍者

師初住濃州路正覺山天福禪寺。以永和元年十二月五日入院。指山門云。盡十方世界無礙解脫門。入得入不得。縱橫得妙。左右逢原。

佛殿。世尊拈華。迦葉微笑。混沌生七竅。土地。陰陽不測。謂之神。伏惟自珍。

祖師。此土西天。入者保社。有甚麼長處。鼻孔大頭向下。

據室。拈拄杖畫一畫。這裏鐵門限。超得三十倍。超不得三十倍。且免人言天福長老杜撰。

拈帖。世俗語中。有勝義諦無學帖。白日當天衢。

拈山門疏。醯雞負須彌。瞬息九萬里。褒貶不相干。那裏是那裏。

諸山疏。瞻仰不及。諸峯入雲。此曲祇應天上有人間能得幾回聞。

拈衣。雞足守住。黃梅流傳。天福今日不滯兩邊搭衣。包裹三千與大千。

法座。說到行不到。依舊墜下漢。行到說不到。凌辱須彌燈王。當頭坐斷去。坤六斷短。乾三連長。

拈香。此一瓣香。恭爲祝延今上皇帝。聖躬

萬歲萬歲萬萬歲。陛下恭願金輪永御。被聖澤於八紘。玉燭恒調。布皇風於四海。

次拈香。此香奉爲征夷大將軍。羽林相公。閩府尊官。同資祿算。伏願。高捧紅日。晨搏桑之光。功補青天。均湛露之惠。次拈香。此香爲本寺大檀那。典廐源公。伏願永柱礎於皇國。能金湯於法域。又次拈香。此枯柴全無氣息。不可得中只變得。今日拈出。供養天龍第二代勅證佛慈禪師無極和尚。以酬不爲我說底廣大恩德。

索話。放過一著。落在第二。機前轉身。還他伶俐。有麼。問答罷。乃拈拄杖云。衲僧生涯。初無定度。有時規行矩步。木馬雙雙白玉蹄。有時倒臥橫眠。泥牛對對黃金角。直得真機獨運。妙應無方。便見塵塵開正覺之場。物物現寶王之刹。是故塵上坐南山。南北山北。無處藏身。主中主賓中賓。隨機對現。最是太平無事日。堪唱胡家萬年歡。卓一下。以此祝君壽。壽算等乾坤。敘謝不錄

復舉。三聖道。我逢人則出。出則不爲人。與化道。我逢人則不出。出則爲人。師拈云。大用現前。不存軌則。即非無二大老。爭奈千載之下。翻成話柄。雖然如是。峭峻一方誰敢窺。

當晚小參。索話。洞天福地。列仙所居。直下是直下是。莫有真不求。妄不除底麼。問答罷。云。頭戴天足踏地。人人常光現前。晝見日夜見星。箇箇壁立千仞。不可以寂默造。不可以語言通。到這裡。臨濟喝如雷奔。全

沒交涉。德山棒似雨點。枉費工夫。是以天福門下。三八念誦。五日陞堂。東之高閣。只要與現前一衆。寒時言寒。熱時言熱。飢食渴飲。閑座困眠。癢癢兀兀。只麼過時。雖然如是。洗面摸著鼻。吸茶濕却髭。始得一下。

復舉。僧問應庵祖師。遠離光孝。來赴妙嚴。如何是不動尊。祖師云。一別蓮城五日程。山僧一別皇城五日程。遠離龜山來赴天福。幸無人問不動尊。有則動著。便下座。

臘月上堂。夜半逾城赴遠途。霜辛苦雪獨區區。明明正覺山頭月。那箇男兒不丈夫。結夏小參。圓覺伽藍。天自高地自闊。平等性智。穴知雨巢知風。無處不至。隨物現形。所以道。不動真際。爲諸法立處。非離真而立處。立處即真也。三月安居。非是停囚長智。九旬禁足。便見洗足上船。忽有箇漢。聽恁麼告報出來道。丈夫自有衝天氣。不向如來行處行。爾且坐喫茶。

復舉。祖峯老師云。結夏無可供養大眾。作一家宴。管顧諸人。遂舉手云。囉囉招。囉囉搖。囉囉送。莫怪空疎。拈云。祖峯將十方常住物。却當人情。天福結夏。何用特地作家宴。何故。溪東溪西。水草縱橫。

次日上堂。拈拄杖劃一劃云。西天蟻人米。東土鐵彈子。一劃劃斷了也。豎杖云。祖父田園。四至界畔分明。不用挾佃拒官稅。卓一

臘八上堂。二千年前。正覺山前夜觀星。二千年後。正覺山頭晝見日。分明受用無兩般。一等眼睛烏律漆。但辨旨心。必不相賺。

●享保七年寫本

除夜小參。物以終爲始。人因舊得新。纔起推究尋逐之心。都無始終新舊之相。到這臘月三十日。大休大歇大樂場。一日十二時。非色非心非行業。東勝身洲擊鼓。西瞿耶尼上堂。南瞻部洲展臥單。北鬱單越洗齋鉢。因甚壁邊拄杖子。全無氣息。一向黑黢黢地而去。豈不見道。造化無生物心。而物自成。雨露無潤物意。而靈苗自榮。復舉雲峯悅禪師小參一遍訖。

歲旦上堂。天得一清。地得一寧。君王得一四海昇平。衲僧得一。正人天眼目。提佛祖權衡。且道。一從何得。巡堂喫茶。便下座。

佛誕生上堂。法身清淨自無爲。幸是人人眼似眉。若認今朝生下底。依前乳臭小孩兒。結夏小參。十方同聚會。大方無外。大圓無內。箇箇學無爲。耕夫起早。蠶婦臥遲。此是選佛場。蛙聚枯池。燕集屋梁。心空及第歸。

喝走作者誰。如是見得。說甚安居禁足。此方他界。自他不隔毫端。十世古今。始終不離當念。語言動用。俯仰折旋。蚯蚓抹過東海。蝦蟇跳上梵天。其或未然。西天令嚴。復舉。僧問柏谷。九旬禁足事如何。谷曰。不墮蟻人機。山僧有一頌。禁足九旬內。不墮蟻人機。端的是何處。趙州東院西。

次日上堂。禁足亦於茲。護生亦於茲。衆中若有打破鏡底。許他抹過長短期。

天福禪寺語錄終

京師等持禪寺語錄

佛殿地藏佛也。菩薩也。聲聞僧也。希有希有。能天能人。非人天所能。

拈帖。這箇大檀越。觀面付與底。乾坤合其德。日月並其明。皇家依之盛大。祖道由之利貞。知有或未薦。堂下決疑情。

拈衣。世尊金襴。朝霞不出門。達磨屈胸。暮霞行千里。新等持同被同此。何故直下是。

金剛般若經贊有序

一日有客叩門。出迎則南宮內道場。僧某上人。手捧巨軸曰。此趙宋學士張卽之所書金剛般若經也。太上天皇有旨。使卿作贊。過應聖詔。臣聞命震駭。是非所能。經涉旬月。不敢措手。却自顧念。是法門耿光。矧天聰難逃。遂焚香百拜贊曰。

般若正體。匪斷匪常。六喻弗及。三句焉詳。佛及菩提。皆從中出。恒平恒差。言辭難述。但離四相。立處卽真。自性洪德。七寶非珍。善哉解空。深嘆希有。後二千年。曷弗信受。什譯張書于趙子姚。語簡字勁。神氣飄飄。凜若金剛。天魔軍敗。八方通風。獨尊三界。

至德乙丑仲冬長至日 京師等持住持臣僧某

等持禪寺語錄終

山城州萬年山相國承天禪寺語錄

師於至德丙寅十月二十六日入寺受請指山門云。入此門來。不移寸步。大衆認取一條

官路。切忌顧佇。喝一喝。

佛殿。佛陀耶佛陀耶。十個指八個了。坐底

立底。事同一家。

土地堂。神性虛通。如空裏風。一分飯謝往返。阿呵呵。受靈山記不得穩。

祖師堂。四七二三。盡販私鹽。賊無種。相鼓弄。

據室鎖口訣。翳睛術。閑家潑具。不勞拈出。四方八面絕遮欄。不論了畢未了畢。疑則別參。

拈帖。示衆云。唯此一事實。餘二則非真。佛祖得之。號令一新。人天衆前。從頭開陳。

拈山門疏。雲霞生背面。日月繞簷楹。官物歸常住。宜如護眼睛。

諸山。新修宗社盟。一句甚叮嚀。開却虛空。

同門。擊碎虛空骨。何曾有一物。從此子及孫。受用終無歇。

江湖。貧做富裝裹。知我亦罪我。江南一枝梅。明珠千百顆。

拈衣。信心已熟。衣亦復傳。大小祖師。不知機權。提衣云。無心雲出岫。彌布大三千。

指法座云。嶮如懸崖。平似鏡面。若不親到上頭。爭得奔雷掣電。

陸座拈香云。大日本國山城州萬年山相國承天禪寺新住持傳法沙門某虔焚寶香。端爲祝延今上皇帝聖壽萬歲萬歲萬歲。陛下

恭願。德洽群邦。同天地之覆載。智周萬物。齊日月之照臨。次拈香云。此香薰向寶爐。奉爲大檀那准三宮從一位行左相府征夷大將軍。資倍祿算。伏願壽山永固。過五百塵輾

之劫波。福海彌深。等十三華藏之香水。又拈香云。此香祇固本根。不索高價。燕向爐中。供養天龍。第二代勅諭佛慈禪師無極和尚。以表開山夢窓正覺心宗普濟玄猷。閉師真孫。遂就座。南禪和尚白。檀云。法筵龍象。當觀第一義。師云。擊大法鼓。布大慈雲。有目者見。有耳者聞。賓主相見。要須驚群。有變。問答罷。乃云。具丈夫氣概。成丈夫事。於過量境界。發過量機。龍象蹴蹋。非驢所堪。獅子遊行。不借伴侶。所以大檀越。規此名藍。如沙竭羅龍。降雨應念至。同清淨變尼。雨寶滿眾望。若起佛法知見。祇是高厘萬礎。若作世相分別。亦乃眾器一金。到這裡。不可以智知。不可以識測。三世諸佛。有分結舌。歷代祖師。口如綵盤。拈拄杖云。今日開堂。盡情披露。不敢囊藏。人人個個頭戴天脚踏地。晝見日夜見星。金不博金。水不洗水。無絲毫漏逗。無絲毫動搖。永登解脫之場。共樂無爲之化。且如雨順風調。民安國泰。一句又作變生。卓一下云。天高群象正。海闊百川朝。不敘謝

復舉。世尊與衆行次。以手指地云。此處宜建梵刹。帝釋將一莖草。插地上云。建梵刹已畢。世尊微笑。師頌云。建梵刹畢。世尊微笑。上古風規。今日樞要。

當晚小參。索話。靜處闊浩浩。鬧中靜悄悄。若是鳳凰兒。不向那邊討。有變。問答罷。乃云。世尊出世。施設半滿偏圓。達磨西來。分張皮肉骨髓。和泥合水。簸土揚塵。但要眼裏

有筋。皮下有血。不受人惑。自立生涯。便見跳出虎穴魔宮。萬人叢裏。疊足而坐。翻轉天關地軸。四衢道中。掉臂便行。是以新開萬年鋪席。相接四來高賓。別無佛法可商量。豈有禪道爲理會。所願長連床上。粥足飯足。香積厨中。柴多菜多。仰賴相公外護之力。重見叢林全盛之時。正與變時。不墮功勳一句。作變生道。星臨萬戶動。月傍九霄多。

復舉。藥山晚參不點燈。山云。我有一句子。待特牛生兒。卽向汝道。時有僧出曰。特牛生兒也。祇是和尙不道。山喚侍者。將燈來。其僧便抽身入衆。師拈云。藥山平地設陷穽。這僧一跳跳過。直饒將燈來。也是賊過後張弓。欲知特牛生兒底麼。四蹄雙角甚分明。至節小參。隨隨隨。莫莫莫。一道真言。要人翻譯。未有難名。既形可惜。以拂抄。妙性圓明。早涉名相了也。若也恁麼休去。恐人作乾無事會。試向紛然萬化之途上。指出廓爾大圓鏡去。敢問諸人。陰剎向何處去。陽復從何處來。去無所去。來無所從。直得一段靈光。分明現前。所以潞山謂仰山云。聲色外與我相見。仰山云。如兩鏡相照。於中無像。潞山云。此語正也。我是個不是。早立像了也。仰山却問潞山。未審和尚於百丈師翁處。作麼生呈語。潞山云。我於先師處呈語云。如百千明鏡鑒像。光影相照。剎剎塵塵。各不相借。可謂理到事到。又如僧問靈雲。如何是真常流注。云。如鏡長明。云。向上還有事

也無。云。有。云。如何是向上事。云。打破鏡來。與汝相見去。可謂甚新甚尖。相國今夜擬與潞山作主。太奢也。擬與靈雲作主。太儉也。畢竟作麼生折合去。臨擔轡折兩頭脫。舉目天邊月似鉤。

復舉。僧問疎山。如何是冬來事。山云。京師出大黃。有願舉似大衆。京師出大黃。子細好商量。既自非官物。何曾是賊贓。

次曰上堂。垂語云。好雪片片。不落別處。明白裏頭。試進一步。問答罷。乃云。日南長至。吾道大享。華岳三峯秀。黃河一派清。謝頭首秉佛上堂。我這拄杖子。不從月宮得。非五岳所生。涵瀾渤挑台衡。一日付五頭首。直得龍得水時添意氣。虎逢山色長威聲。第一義摩訶衍。文字印大藏經。各隨自己受用。有無與奪縱橫。敲出釋迦頂骨。點開達磨眼睛。如今倚向古屏畔。任使丹青畫得成。

上堂。有一句子。此曰居頂。亦名三昧王。三尖五露。四角六張。能殺能活。能柔能剛。今日打鼓普請。重要詳審。審詳何故。金生麗水。玉出昆岡。

除夜小參。春生夏長。秋凋冬落。有物流動入常情。風動火熱。水濕地堅。一切事究竟堅固。但須無心於事。自然無事於心。舉足下足。皆是道場。成法破法。無非解脫。一年三百六十日。日日是好日。一日都盧十二時。時時是好時。何處不風流。遍界無影迹。正恁麼時。楊岐只是會監寺。虎丘豈非隆藏主。因

甚兒孫遍天下。睡虎露爪牙。若作乾無事會。料掉沒交涉。若作奇特商量。雲壤懸有隔。畢竟如何。今歲今霄盡。明年明日來。

歲旦上堂。元正啓祚。萬物咸新。風生震極。斗杓指寅。床頭拄杖子。依舊黑羆。未審隨還變。不隨還變。若道隨還變。會無還變相。若道不隨。天下同一春。如何甄別去。龍宮海藏大開闢。撥轉如來正法輪。

上堂。索話。雲興二百問。瓶瀉二千酬。屋下架屋。頭上安頭。香象渡河。直得截流。有麼。問答罷。乃云。言言浪激波浪。默默默宗通趣極。默時說說時默。裸形國中誇服色。話默向上有事在。臺拈拄杖。卓一下云。真不掩偽。曲不藏直。擲杖下座。

三月旦上堂。索話。明鏡當臺。明珠在握。若是作家。不勞吟咏。僧問。二月已過。三月玆來。紅入桃花嫩。青歸柳葉新。時節因緣。請師垂示。答曰。君既能如此。我今不再三。進云。明明百草頭。明明祖師意。答曰。參須實參。悟須實悟。進云。記得僧問古德。如何是和尙此間佛法。德云。東壁打西壁。意旨作麼生。答曰。坐斷白雲宗不妙。進云。即今咨和尙。如何是此間佛法。答曰。普請安眠底安眠。進云。畢竟與古人祇對。是同是別。答曰。福州橄欖兩頭尖。進云。流水斷橋梅破萼。枝南枝北一般春。答曰。四海五湖皇化裏。進云。法王法令合如斯。答曰。也不消得。師乃云。記得趙州會下有二僧。相推不肯作第一座。院主白趙州。州曰。總教作第二座。主

曰。教誰作第一座。州曰。裝香著。主曰。裝香了也。州曰。戒香。定香。慧香。解脫香。後來應菴祖師住饒之薦福曰。舉前話拈云。趙州下一槌。不妨驚群動衆。子細檢點將來。也是泥裏洗土塊。薦福門下不相推。第一座也有人。第二座也有人。第三座也有人。雖然不免從頭注破。第一座鐵眼銅睛。第二座陽春白雪。無人和。第三座貞實身心同達磨。且道與趙州是同是別。若也會得。許個具一雙眼。若也不會。也許個具一隻眼。有箇衲僧出來道。總不恁麼時。如何便對他道。切忌向鬼窟裏作活計。師曰。祖師要向無星秤子上。強分斤兩。萬年山中。兩堂同有人。第一座嫌佛不肯做。第二座有膽

如天大。第三座與趙州第一座。無有優劣。諸人若也未瞥。且待面目現在。謝兩堂無書記三月望。謝都寺書記并某首座至上堂。索話。一漚未發。古帆未掛。機外明宗。還他英邁。僧問十方世界一團鐵。虛空背上白毛生。答曰。來風深辨。進云。山花開似錦。澗水湛如藍。好箇時節。請師指南。答曰。八面清風。藏不得。進云。與麼則頭頭顯露。法法圓融。答曰。萬古碧潭空界月。再三撈撈始應知。進云。記得僧問雲門。不是目前機。亦非目前事。時如何。門云。倒一說。意旨作麼生。答曰。師子一滴乳。迸散百斛鹽乳。進云。即今咨和尙。不是目前機。亦非目前事。畢竟是何物。答曰。說似一物即不中。進云。正恁麼時。如何行李。答曰。始隨芳草去。又逐落花回。進云。

和尙恁麼祇對。有爲古人出氣分麼。答曰。者裏不著客作漢。進云。潘郎倒騎歸。擲殺黃綽。答曰。毒龍行處草不生。進云。學人今日小出大遇。答曰。分明記取。舉似作家。師乃云。世尊拈華。巨靈擊太華。迦葉微笑。大明無偏照。要中要妙中妙。或演之夢中。唱徹黃鐘宮。或施之筆端。吹成大石調。會則鷄鳴終日啼。不會則蜀魄連宵叫。何故楊岐一頭驢。三隻脚自如。

四月旦上堂。武陵春已晚。基樹綠陰多。若作境會。入地獄如箭射。不作境會。入地獄如箭射。進無門退無路。直得新羅與占波。額。夜摩躍入梵天。雖然如是。但許老胡知。不許老胡會。喝一喝。下座。

佛誕生上堂。今日大家浴佛。敢問大眾浴那箇佛。若浴法身佛。法身等虛空。若浴報身佛。報身三賢以還不得見。若浴應身佛。應身已滅二千餘年。正知三身共不得浴。擊拂云。如是狂思橫計。向者裏百雜碎了也。牢把杓柄。洗一洗看。天上天下唯我獨尊。巍巍堂堂。煒燁燁。

結夏小參。索話。黃昏戌亥中。不礙平人出。出不出。切忌弄巧翻成拙。要須妙唱不干舌。有麼。僧問。橫該堅抹。電卷星飛。千聖靈機。不易窺。答曰。不須如何若何。便請單刀直入。進云。朝請暮參。上古規範。語默涉離微。如何通不犯。答曰。斗杓掃雷門。進云。可謂日不待火而熱。月不待風而涼。答曰。切忌覷在無事甲裏。進云。德山小參不答話。意在那

和尙恁麼祇對。有爲古人出氣分麼。答曰。者裏不著客作漢。進云。潘郎倒騎歸。擲殺黃綽。答曰。毒龍行處草不生。進云。學人今日小出大遇。答曰。分明記取。舉似作家。師乃云。世尊拈華。巨靈擊太華。迦葉微笑。大明無偏照。要中要妙中妙。或演之夢中。唱徹黃鐘宮。或施之筆端。吹成大石調。會則鷄鳴終日啼。不會則蜀魄連宵叫。何故楊岐一頭驢。三隻脚自如。

四月旦上堂。武陵春已晚。基樹綠陰多。若作境會。入地獄如箭射。不作境會。入地獄如箭射。進無門退無路。直得新羅與占波。額。夜摩躍入梵天。雖然如是。但許老胡知。不許老胡會。喝一喝。下座。

佛誕生上堂。今日大家浴佛。敢問大眾浴那箇佛。若浴法身佛。法身等虛空。若浴報身佛。報身三賢以還不得見。若浴應身佛。應身已滅二千餘年。正知三身共不得浴。擊拂云。如是狂思橫計。向者裏百雜碎了也。牢把杓柄。洗一洗看。天上天下唯我獨尊。巍巍堂堂。煒燁燁。

結夏小參。索話。黃昏戌亥中。不礙平人出。出不出。切忌弄巧翻成拙。要須妙唱不干舌。有麼。僧問。橫該堅抹。電卷星飛。千聖靈機。不易窺。答曰。不須如何若何。便請單刀直入。進云。朝請暮參。上古規範。語默涉離微。如何通不犯。答曰。斗杓掃雷門。進云。可謂日不待火而熱。月不待風而涼。答曰。切忌覷在無事甲裏。進云。德山小參不答話。意在那

裏。答曰。上古其風朴略。進云。今夜小參。有

問有答。莫孤負他德山麼。答曰。善學柳下

慧。終不師其跡。進云。與麼則般人以柏。周

人以栗。答曰。南人不夢馳。北人不夢船。進

云。不因機子路。爭到葛洪家。答曰。龍王宮

殿裏。不見一人行。進云。恩深轉無語。懷抱

自分明。答曰。放下著。乃云。塵塵爾。刹刹

爾。築著磕著。無處回避。在眼曰見。在耳曰

聞。在手執捉。在足運奔。南山起雲。北山下

雨。月生雲際。潮落海門。幸是無爲古皇。乾

坤無端。迦文老人出來。劃地作牢。帶累平

期進道。劈脊便棒

上堂。瑞巖頻喚主人翁。南泉亦索一身價。只

有臨濟門下。常在家舍。不離途中。常在途

中。不離家舍。何故渾淪無縫罅

上堂。唯這趙州東院西。大家普請好提持。直

穿關市門頭去。水到渠成十二時。開道路決

藩籬。伽藍廣大絕邊涯。寄言宇宙茫茫者。夏

木陰森杜宇啼

端午上堂。三世諸佛。病多諸藥性。歷代祖

師。病者聚醫門。入荒田不揀。信手拈來草。救

膏肓於心死。除勞瘵之根源。拍膝云。忌口更

無涯意。雨過池塘秋水深

大日上堂。踞菩薩乘。修寂滅行。蒸沙作飯。磨

磚成鏡。送盡九十日光陰。果然無事可修

證。奇哉奇哉。快活快活。海闊百川朝。天高

群象正。相國與慶部判。也是盡孟安柄

八月旦上堂。索話。鳥窠吹布毛。鹽官索犀

扇。跳出古人窠。還他英靈漢。僧問真覺廣

陵散。欽山菩薩蠻。雙椎轟法鼓。一擊透玄

關。答曰。三臺須是大家備。進云。百川異流。

以海爲極。學人上來。願聞極則。答曰。古木

無橫枝。鳥來難措足。進云。古人到這裏。爲

甚不肯住。答曰。果然。進云。與麼則五里牌。

在郭門外。答云。認著依然還不是。進云。記

得僧問香山禪師。如何是初生月。照云。大

半人不見。意旨作麼生。答曰。壓良爲賤。進

云。今日有人。咨問如何是初生月。響。答曰。

有分析額。進云。可謂判官斷案相公改。答

曰。一朝權在手。看取令行時。進云。不聽雲

中雁。爭知沙塞寒。答曰。參須實參。進云。上

大人。丘乙巳。答曰。一任贊嘆。乃云。佛以一

音演說法。衆生隨類各得解。已是始從鹿野

苑。終至跋提河。未曾說一字。有什麼各得

解。若也恁麼會。誤認驢鞍橋。作阿爺下頰。

畢竟如何傾略。知音不用頻頻舉。達者須聞

暗裏驚。謝某

中秋上堂。索話。靈山話月。曹溪指月。泥裏

拈梅。空中釘橛。莫有透出光影邊。掀翻精

靈窟底麼。僧問。平田淺草裏。露出焦尾大

虫。太虛寥廓中。放出遼天俊鶴。答曰。來機

深辨。進云。宗風纔舉。萬里雲收。法令若行。諸峯寒色。正恁麼時。請師指的。答曰。這裏無囊藏被蓋。進云。記得月旦上堂。僧問。如何是初生月。師曰。有分析額。意旨作麼生。答曰。開口不在舌頭上。進云。正當今夜月圓十分。還與初生。是一是二。答曰。舉頭天外看。進云。與麼則在諸佛不增絲毫。在衆生不減絲毫。答曰。一任卜度。進云。經云。修多羅教。如標月指。既是顯露清淨。不待指標時如何。答曰。轉喉觸諱。進云。誰知雲外千峯上。別有靈松帶露寒。答曰。不是少林客。難爲話雪庭。進云。若不到曹溪。爭如不失。答曰。遲一刻。乃舉汾陽示衆云。一切衆生本源佛性。譬如明月當空。祇爲浮雲遮障。不能顯現。師喝云。喝散白雲了也。清光何處無。

九月旦上堂。索話。道不屬知。不屬不知。知是妄覺。不知是無記。離却無記妄覺。鼻孔裏出氣底有麼。僧問。拳中十指。展縮自由。有意氣時添意氣。不風流處也風流。答曰。華山脚下。潘閨倒騎驢。進云。全體恁麼來。全體恁麼去。伏望別乾坤決猶豫。答曰。八兩元來是半斤。進云。與麼則歷劫不迷今日事。一輪碾破四時機。答曰。仁者見之。謂之仁。知者見之。謂之智。進云。記得僧問古德。西風悽悽。師意如何。德云。草枯惟長菊。木落只留松。意旨作麼生。答曰。鼠口無象牙。進云。即今敢咨問。西風悽悽。師意如何。答曰。一身寒在五更多。進云。莫是古人悟處。今人眼

麼。答曰。易分雪裏粉。難辨墨中煤。進云。既能明似鏡。何用曲如鉤。答曰。車不橫推。理無曲斷。進云。直得鯨吞海水盡。露出珊瑚枝。答曰。青天白日。豈有恁麼事。進云。天垂雨露。不揀榮枯。答曰。善自護持。乃云。深明二上坐。行脚時。漁者舉網。一魚跳墮江中。深云。快哉恰似納僧機。明云。爭似當初不入網。深云。猶缺悟在。行數里。明始知非。若法性明。非無其理。雖然衆生一迷本性。投三界網羅裏。苟非奮發。因甚出得三界。不出三界。只是舊時凡夫。而或欲出三界。修行難得正路。是以西丘老師示徒云。覷面相見。盡情分付了。只有利根上智。全身擔荷將去。豈非俊快。若論觀面事。不可埃寶主相見然後。分付之。威音那畔。空劫以前。那一著。無處不遍。所以道。剔起眉毛。已落二三。唯許利根上智者。言前薦得。復舉弘覺禪師見僧看經問云。看者是什麼經。僧云。維摩經。覺云。不問維摩經。看者是什麼經。僧於言下知歸。師拈云。這僧一人屬看經。招得弘覺鉤計。且如乾坤中。宇宙間千萬人。如何使他還源返本去也。卓杖一下云。金雞啄破琉璃殼。玉兔換開碧落門。

開爐上堂。風頭稍硬便開爐。打坐團欒賓主無。火筋輕輕敲獸炭。藹然和氣發枯株。初祖忘拈香。皮肉骨髓。分裂無遺。雙履空棺。腐朽多時。喚作初祖他是誰。師自不識我焉知。以香扣一炷香一杯茗。且修叢林舊規。上堂。日日東出。日日西沒。無位真人亦骨律。十字街頭吹尺八。寥寥宇宙無賞音。落盡雲霄雲外月。

三月旦上堂。三分光陰二早過。寄帽投河。靈臺一點不揩磨。日暖風和。貪生逐日區區去。拈杖云。賊身已露。喚不回頭。爭奈何。誰能籠羅。大抵還他肌骨好。風流不在著衣多。舉世尊拈華。迦葉微笑話。頌云。金色波羅特地拈。破顏也是涉廉纖。春來似錦山花發。且要諸人直下參。

結夏小參。目前無法。家食逢劫。意在目前。渴驥奔泉。不是目前法。王節級失却帖。非耳目所到。雲藏無縫襖。鉤錐不及處。雲自飛水自流。針筍不入時。禪無襠袴無口。須知善知識。不是陰界中事。如龍象蹴踢。非驢所堪。大丈夫透過生死牢關。譬之師子游行。不借伴侶。直得淨裸裸赤洒洒。沒可把。十方無壁落。四面亦無門。快哉快哉。希有希有。翠岩一夏爲兄弟說話。老宿一夏不與師僧說話。徐六擔板只見一邊。如是舊葛藤。莫向清平世界中舉著。且如僧問揚岐。如何是佛。岐云。三脚驢子弄蹄行。端的在那裏。若無扛鼎拔山力。千里烏雞不易騎。舉僧問虎丘。九旬禁足事如何。丘云。理長即就。拈云。這

僧自謂爲觀國寶。量材補職。非無祖師。可惜猶缺布網羅手。今日有人問。九旬禁足事如何。便答。他道坐地長安。

謝都寺上堂。大方無外。大圓無內。三科七大。本如來藏。千差一印。無有向背。如此說話。令人心惡。不覺嘔出肝肺。喝一喝。透得栗棘蓬了。方始丈夫氣概。阿呵呵。好大哥。上堂。多言多慮。轉不相應。絕言絕慮。絕修絕證。作麼生折去。驀拈拄杖。卓一下云。頭不缺一不剩。

退院上堂。一住萬年三見秋。強傳家業事箕裘。深慚檀越恩私甚。鹿苑猶容老比丘。相國語錄終。

再住相國禪寺語錄

師於明德庚午八月四日入院。指山門云。舍那化境。樓閣門開。顯觀左右果然不見一法在門外。

佛殿。佛真法身。猶若虛空。偏儀端坐。山僧鞠躬。彼此無伎倆。遍界自清風。

土地堂。神五不能。佛三不能。何以五十步笑百步。以手打至鑑洞明。日輪當午。

祖師堂。這一隊漢。如遇如魯。輕輕觸著。那吒忿怒。

據室。相國門下。開賣藥鋪。或時將醒醐作毒藥。或時將毒藥作醍醐。要渠自知苦辣。要渠自辨耳腴。為拈杖那個男兒不丈夫。卓一下。便喝一喝。

上堂。靈山密付。不漏系毫。少室單傳。放開線路。但有大力量漢。一肩擔荷。若還纔有起。

一絲頭。便是一絲頭。更須界經分明。田地穩密始得。正與麼時。受誰恩力。一人居日下。弗與衆人同。舉閩王請羅山開禪師開

堂。山陞座。方收歛僧伽梨乃云。珍重便下座。閩王近前。執山手云。靈山一會。何異今日。山云。將謂是箇俗漢。拈云。相國准三后。近日使山僧開堂。特與僧迦梨。山僧今日陞堂。不敢收歛。却搭肩上。胡說亂道。莫是靈山一會。不異今日麼。具眼者辨取。

上堂。舉馬大師問南岳云。如何用心。即合無相三昧。岳曰。汝學心地法門。如下種子。我說法要。譬彼天澤。汝緣合故。當見其道。拈云。既是無相三昧。爲甚有種子。有心地。有天澤。有緣合。云。休將閑學解。理沒祖師心。雖然如是。且要因苗辨地。

除夜小參。索話。前三三後三三。離心緣絕對談。文殊堂裏萬菩薩。夜來盡向此中參。莫有參到無參。始是實參底麼。僧問。驅雞聲中振塗毒。爆竹響裡開玄關。鑽仰不及處。巍巍萬年山。答曰。最初一步須牢實。進云。記得北禪。京露地白牛。與諸人分歲。未審意在那裡。答曰。天寒日短。兩人共一椀。進云。

和尚今夜分歲。有何施設。答曰。家傳清白。進云。一滴甘露。大千普霑。答曰。細嚼難飢。進云。夜深珍重。答曰。可知禮也。乃云。日月周流不暫留。一年正是結交頭。去來幸自無踪跡。環上休將起盡求。神光不昧。萬古微猷。動容揚古路。縱橫得自由。七尺單前。三條椽下。天淵地淵。無愁無憂。鉢裏有飯。桶裏有

水。現前受用。日中一食。夜後一寢。格外風流。仰山上兜率。不是夢中說夢。揚岐掌院

務。且要看樓打樓。相國與麼告報。一任人笑平常無事。直饒揚眉瞬目。執喝瞋拳。當甚碗脫丘。雖然如是。觀音菩薩將錢買胡餅。爲甚放下手却是饅頭。未必真金博真鎗。舉僧問石門。年窮歲盡時如何。門云。東村王

老夜燒錢。頌云。臘月除時復送年。東村王老夜燒錢。古人開口端的處。纔入思惟隨斷邊。是日新開僧堂

歲旦上堂。舉新年佛法有無話。頌云。一人道有一人無。佛法何曾有二途。昨夜東風生八極。今朝白日上天衢。

上堂。八解浴池中。定水湛然滿。藉以七淨華。浴此無垢人。菩提涅槃。真如解脫。是垢。起居動靜。語言問答。是塵。一濯濯除了。始是本來人。正與麼時。已是無垢人。用浴作麼。金入洪爐色轉真。先日預浴至語語僧

結制前一日。法堂慶讚。上堂指法座云。地湧金剛座。天垂寶華蓋。自家一段風。漏泄周沙界。諸人猶涉遲疑。更聽山僧一場敗闕。拈香云。正當法歲首。新開法雷堂。大日本國山城州萬年山相國承天禪寺住持傳法沙

門某甲。虔燕寶香。恭爲今上皇帝。祝嚴聖躬萬歲萬歲萬萬歲。陛下恭願。聖德日新。當天心合人意。皇風永扇。握乾符闡坤珍。遂就座問答罷。乃云。此方真教體。清淨在音聞。世尊出世。三百餘會說法。遂致流傳天上人間。充滿龍宮海藏。是其驗也。法隨法行。法

幢隨處建立。祖師西來。一華五葉。聯芳。但得不立文字語言。直教見性成佛。是其由也。祖宗未振。多依律寺。百丈禪師肇設叢林。新布法則。要須說法住持。長合規度也。世尊在日。別無香室。德山老人折却佛殿。獨置法堂。表示揚化當代。師道最尊也。大法東漸。盛行日域。吾大檀越創建本寺。八周寒暑。殿堂已岩嶠。最為殿後。經營法堂。纔經數月。棟宇亦輪奐。乃臨結制。本寺住持比丘某。特陞此座。開堂演法。仰觀此堂高廣宏曠。宛如天福力所出生。夜摩都史宮殿。候爾降闕浮提洲。又觀此座莊嚴。都似上妙功德。成就須彌相國佛座。俄頃移王舍城裏。況復高懸繪蓋。同五百長者子供養具。大張寶幔。類分身釋迦文來集時。人天交接。細素圍繞。當茲時節。說甚麼法。豈不見道。應化非真佛。亦非說法者。阿那箇是說法者。葛拈拄杖云。若非者箇。說不得。者箇法。終日說未曾宣一字。諸人終日聽。未曾著一塵。正恁麼時。山河大地亦說。草木國土亦說。雷音堂亦說。師子座亦說。繪蓋寶幔。左欄右梁。無物不統。山僧到這裡。借水獻花。用力不多。諸人諦聽。卓一彈指圓成八萬門。洪音長振三祇劫。

結夏小參。九旬安居。三月護生。昔時摩竭國。親行此令。今日王舍城。復攀舊條。直饒說空無相。無作無願。墮落解脫深坑。假使道即空。即假即中。整開混沌孔竅。衲僧家。角上生角。牙上生牙。境上添境。機上添機。始得。何故不經一事。不長一智。舉僧問百丈大智禪師。如何是奇特事。丈云。獨坐大雄峯。拈云。一機峭峻。八面玲瓏。等閑提掇。足定綱宗。祇為涼鬼漸遠。不奈獵犬迷踪。今日忽有問相國。如何是奇特事。便對他道。巨靈擲手無多子。分破華山千萬重。

次日上堂。舉世尊在校殿會上。告阿難云。此大講堂。洞開東方。日輪昇天。則有明耀。中夜黑月。則復昏暗。乃至明還日輪。暗還黑月。通還戶牖。壅還牆宇。緣還分別。頑還還空。靜還還塵。清明還霧。汝見八種。見精明性。當欲誰還。諸可還者。自然非汝。不汝還者。非汝而誰。拈云。世尊老大。憐愍阿難。一味簸土揚泥。相國昨日新開雷音堂。今日又值如來結制辰。況復台旃入山。四眾環繞。無物可相待。有一願普同供養。明暗壅通都一空。緣虛澄霽體皆同。此堂豁達無今古。長與邦家共始終。

五月上堂。索話。榴花照眼明。梅子帶酸小。法法不隱藏。一了一切了。要見其人。有麼。僧問。十方同來會。宏開選佛場。黃金百練色。丹砂九轉香。答曰。梅檀林無雜樹。進云。法歲今朝五月上。剋期已過十五日。大休歇處。願賜一決。答曰。簷頭滴滴。分明歷歷。進云。與麼則不須外邊走。坐地是長安。答曰。路從平處嶮。山向靜中忙。進云。記得僧問雲門。如何是諸佛出身處。門云。東山水上行。意在那裏。答曰。臨崖看瀑眼。特地一場愁。進云。後來圓悟禪師云。天事即不然。薰

風自南來。殿閣生微涼。又如何理會。答曰。芍藥花開菩薩面。櫻欄葉散夜叉頭。進云。即今咨問和尚。如何是諸佛出身處。答曰。此間從何處得來。進云。一言截斷千江口。萬仞峯前始得玄。答曰。行倒嶮崖處。拶著便翻身。進云。學人今日。小出大遇。答曰。自領出去。乃云。有佛國土。以光明作佛事。有以衣服臥具。作佛事。有以園林臺觀。作佛事。或有清淨國土。以無言無示。無識無作。為佛事。如衆香國。以香作佛事。此方真教體。清淨在音聞。無見頂相。無為心。佛說一道神呪。而互三世。未曾休息。諸人聽得分明也。無。山僧代化佛宣說去。上大人。丘乙巳。化三千。七十士。爾小生。八九子。佳作仁。可知禮也。是日發轍頭燒香

謝首座某。西堂並都寺上堂。法無定相。遇緣即宗。得過量大人。起潑天門風。或掛眉間劍。或擲栗棘蓬。眼眼相對。心心相通。叵耐老瞿曇。被人問勝義諦中。有世俗諦。只道我今無說。汝今無聽。無說無聽。是名一義二義。半夜放烏鷄。誰得善指踪。欲究根源未免冥蒙。即今問諸人。勝義諦。世俗諦。從何處得來。諸人若也未委悉。且歸堂中。問取板首老禪翁。

重陽上堂。重九風光溢眼頭。明明一句憶汾州。若還容易消時節。明日黃花蝶也愁。開爐謝基書記上堂。索話。道有道無。盡隨窠臼。肘臂下有靈符底。道火何曾燒著口。出來相見。有僧出問。開作家爐竈。運向上錯

鐘。鍊佛銀祖。今正是時。答曰。輸王三寸鐵。遍地是刀鎗。進云。月當秦正。月在魯朔。祝算一句。願聞舉揚。答曰。皇帝萬歲。重臣千秋。進云。天地位而萬物育。陰陽理而四時平。答曰。形直影正。進云。記得法昌遇禪師。開爐日。輒以一力搗鼓。陸座云。法昌今日開爐。行脚僧無一箇。唯有十八高人。絃口開爐打坐。莫是家醜外邊揚麼。答曰。乞兒伎倆。進云。和尚今日陸堂。行者搗鼓。侍者燒香。半千清象。前園後繞。未審與他古人爲楚越迥別。柳亦肝膽相同那。答曰。逼界不曾藏。進云。與麼則禹稷顏子易地皆然。答曰。一等共行山下路。眼頭各自見風煙。進云。粉骨碎身未足酬。一句了然超百億。答曰。沒溺深坑。進云。孟冬漸寒。伏惟尊候萬福。答曰。禮之用和爲貴。乃云。少林癡坐。冷澗地。相國開爐。滿堂和氣。古今已殊。冷暖不同。祖意西來。爲同是異。擊拂云。休瞌睡。若或未會。且待人向虛空裏大書五字。達摩忘拈香。吾本來茲土。地廣易爲長袖舞。傳法度迷情。霍光賣却假銀城。一華開五葉。巨岳何曾寸土乏。結果自然成。養雞意在五更鳴。最憐速行衰日下。嚴備珍羞求昭假。一飽能消萬劫飢。得他一半還一馬。十月望上堂。索話。問在答處。答在問處。露參得參不得。對衆試證據。僧問。水平而器取則。霜降而鐘始鳴。動則影現。覺則水生。答曰。善行無轍迹。進云。時節不相饒。應鐘已過半。還有不涉遷變底也無。答曰。刹竿頭

上仰蓮心。進云。莫是安身立命處麼。答曰。太孤危生。進云。與麼則更於眉上安眉。不向鼻中出氣。答曰。知過必改。進云。記得僧問大同濟禪師。如何是祖師西來意。濟云。庭前一叢竹。經霜不自寒。意在那裏。答曰。有問不可無答。進云。僧云。畢竟如何。濟云。祇聞風聲響。知是幾千竿。爭奈擬欲完。全翻成兩片。答曰。只要引盡一聯詩。進云。始知止啼黃葉。元是一國黃金。答曰。輕知鴻毛。重如山岳。進云。卽今咨問和尚。如何是祖師西來意。答曰。亙古亙今。進云。萬年殿飾大梵刹。千古崔嵬勢插天。答曰。常在於其中。經行及坐臥。進云。瞻仰有分。答曰。也不相妨。乃云。一毛頭上識根源。彈指圓成八萬門。日面佛。月面佛。退散魔外。燐破乾坤。事法界理法界。十字縱橫無礙自在。拈膝云。舊時漏燈盞。價直千萬倍。謝某都寺鑄鐘上堂。一鼓洪爐天地驚。檀心雄器頓圓成。音聞普利閭浮界。號令新嚴王舍城。顯發真機齊晝夜。擊開妙性濟幽明。俱留青玉非倫類。聽取鯨魚第一聲。

第三會語附錄

結夏上堂。檻前水綠山青。水牯牛橫眠倒臥。天際日上月下。寒山子胡吟亂哦。處處古佛道場。處處大人境界。因甚南方禁夏不禁冬。北方禁冬不禁夏。可憐爲方隅所關鎖。爲時節所羅籠。須知拄杖。橫也。挑括乾坤盡。轉也。覆却山河大地。正恁麼時。向

何處出氣。卓杖一下

冬節小參。舉僧問古德。如何是毘盧印。德曰。草鞋踏雪。頌云。離却草鞋雪。須高著眼睛。春風回暖後。古篆轉分明。薦月上堂。光陰代謝飛梭急。薦月纔殘十日餘。白鼠咬藤都不覺。黑蛇眠室力須除。人入受賜天王屋。處處堪乘長者車。坐臥經行皆本分。馳求心息卽如如。相國三會語錄終。

靈龜山天龍資聖禪寺語錄

師於應永甲申臘月二十四日入寺

踞方丈拈竹篋。據此室者。握一柄金剛王寶劍。截斷從前葛藤。新長老。老不以筋力爲能。只要平地設錦筵。陷墜伶利師僧。忽遇跳得過底響。手裏有鼻繩。擊一下

拈帖。得之於心。應之於手。只這一毫端。萬邦盡稽首。佛運依之延洪。皇祚依之悠久。指法座云。未登此座。一事全無。方登此座。豈有許多般若。能於此薦得。須彌燈王有分退身。其或未然。合三萬二千。爲一禪床。有甚

麼所用。今日事不獲已。枉徇時宜。拈香祝聖罷。就座。索話。法筵龍象衆。當觀第一義。纔入思惟。白雲萬里。別起便行。埋沒自己。只要俊流。言外領旨。有麼。問答提舉肅宗皇帝問忠國師。如何是無諍三昧。答曰。陛下親踏毘盧頂上行。公案。拈云。皇帝御問。如九天雨露。普施德澤。南陽奏對。似大地草木。齊沐陽和。山僧有一頌。呈尊見去。

也。親踏毘盧頂上行。能教唐帝正權衡。日輪常午無偏燭。草木齊舒化育情。

次日就多寶院。後醍醐天皇聖廟。拈香。國步艱難南狩遠。旌旗不返痛輿情。山川未逐煙霞變。天地猶餘日月明。說說空陵嘶鐵馬。只聽深洞答華鯨。萬邦騷亂非徒爾。大結因緣覺道成。

除夕小參。索話。歲除臨此夜。暮請逐鐘鳴。開口不在舌頭上。不須杓卜聽虛聲。誰是真聽。問答罷。說頌云。爲問年窮歲盡時。家家門外野狐兒。山神野鬼無踪跡。三世如來口似槌。

歲旦上堂。垂語云。好雨知時節。當春乃發生。正是三元日。宜俱賀太平。問答不錄乃云。天得一清。地得一寧。君王得一。聖道大亨。衲僧得一。水到渠成。

元宵上堂。天上月圓。人間月半。上元風光。尤堪賞玩。五門九陌。車馬駢闐。千村萬落。燈火燦爛。天時人事一般。勝義世俗同串。左右逢原。前後互換。唯有人天眼目。不曾改變。何故無二無二分。無別無斷。謝新舊兩班。首座不換。

二月上堂。索話。光陰何倏忽。今年屆中春。知雲駛月運。立處即是真。有擲著便翻身底麼。問答不錄散說。前月下八念誦云。如來大師入般涅槃以來。已得二千三百五十五載。後五百歲。僅餘一百四十五歲。可驚可嘆。釋迦法運。已無幾年。前佛末法。必有發菩提心人。謂之法滅菩提心。不知如今誰是其人。雖然法之盛衰。不在時只在人。所以道。身

口意清淨。是名佛出世。身口意不清淨。是則佛滅度。今此山中一衆。精進勤行。上殿誦經。赴堂坐禪。不可謂之末法時分。只要如此努力。不啻成就自己行業。亦能與盛叢林規繩。初後夜。單位無空闕。諸位西堂和尚。單寮豪堂。相爭坐禪。誠是叢林全盛之時也。外堂。排知事。名字六十餘人。不見一人赴堂。古人曰。靜中使得。逢鬧處或失。鬧中使得。逢靜處得力尤大。佛法世法。會無兩般。不見波斯匿王問佛曰。世俗諦中。還有勝義諦否。世尊曰。大王在龍勝佛會中。曾問此事。此理一理二義。是知世法。即佛法。佛法即世法。今若不動。則無常殺鬼每窺人。而眼光落地時。其何以相拄耶。夫禪那者。梵語。此云思惟修。或云靜慮。稜伽經明四種禪。其第四乃如來清淨禪。圭峯謂之達磨所傳禪。清淨即空也。已謂如來清淨禪。豈有一法乎。德山入門便悟。臨濟入門便喝。師家豈有一法授人乎。學家豈有一法相傳乎。歷數百年。至圓悟大慧時。始以公案示人。大慧曰。以繫胸中狂思橫計耳。而今禪有多途。或謂不提撕公案。不成坐禪。是亦一途。只向函櫃頭。如困如眠。蒙然過時。最好提撕公案。佛光禪師云。我十四上徑山。十七歲發心參狗子無佛性話。到第五六年。雖然無所入。這一箇無字。看熟了。夢裏也看。遍天遍地。只一箇無字。中間有一箇老僧教我。爾如今擊掉這無字。我便依他話。放下坐地。我雖然擊掉了這無字。長長隨著我。得年來這無字不

見。坐時亦不見己身。只見空蕩蕩地。如此坐得半年。心意識如鳥出籠。或西或東。或南或北。或坐兩日。或坐一日一夜。亦不見辛苦。得自由三昧。每教人放下公案。然則不可道不提撕公案。不成坐禪。古人亦於公案上。透者多矣。竹原菴主在大慧會下。但參箇無字。他看話頭時。被雨灑在欄干邊。他亦不知。人向他道。元兄元兄。雨打濕了身上。抱他過。他亦不管。無門開禪師只看一箇無字六年。下語不得。自發志剋責。我若不明此話。更去睡眠時。爛却我身。幾困時。或廊下行道。將頭去露柱上磕。一日在法座邊立。忽聞齋鼓聲。便理會。如此則不可放下公案。只要人人勵自己精神。日久月深。自然悟入。遼舉拂云喚作拂子則觸。不喚作拂子則背。開口是禍門。動心必死塞。若是金翅鳥王。摩阿盧大海。直取龍吞。擲拂下座。

佛涅槃上堂。垂語云。佛身無爲。不墮諸數。九界衆生。絕言絕慮。建化門中。放開線路。請試吐露。問答罷。乃云。世尊死歎不一。曾謂一切無涅槃。無有佛涅槃。無有涅槃佛。遠離覺所覺。又曰。謂我滅度。非我弟子。謂我不滅度。亦非我弟子。二千餘年徒傳曲談名相。拈拄杖云。一畫畫開了也。須信直說無繁重。欲聽直說麼。下云。大衆瞻仰。紫磨金色軀。香薪燒不盡。下座。退院上堂。諸法從來豈有相。一住一去如鏡像。贏得雲居安樂神。可不號泣失和尚。遼居

陸座

大光明寺欽爲光明院七年御忌

索話。白日麗天。清風匝地。不動纖塵。全彰祖意。莫有直下承當。不容擬議底麼。問答罷。乃云。古今天地。古今日月。古今人倫。古今山河。且道從何處得來。以拂打一光明寂照遍河沙。凡聖含靈共我家。雖然百姓日用而不知。但有天縱聖人。乃能究盡。所以道。過去諸如來。斯門既成就。現在諸菩薩。今各入圓明。正恁麼時。臣僧明應。特奉勅命。乃陞此座。都無一詞可措。豈不見。釋迦掩室於摩竭。淨名杜口於毘耶。須菩提唱無說以顯道。釋梵絕聽而雨華。斯皆理爲神御。故口以之而默。藝有拄杖出來道。如是告報。法久成弊。幸有光明院佛祖不傳頂門一著在。不可喚作轉王醫中珠。豈敢妄比莊宗幞頭脚。今日何不於人大衆前。分明說破。汝不能說。我爲汝說。卓一下。諦觀法王法。法王法如是。又卓一下

復云。今日法筵鴻因。詳見眷顧文疏。更不枚舉。共惟太上天皇。於光明院既有受禪恩。又抱天倫眷。種種佛事。特爲成彼佛果。報彼洪恩也。釋迦老子於天鼓聲中爲諸天說法。告曰。汝等應當知恩報恩。若不知恩報恩。必遭橫逆。名數門中。且有四恩。據實論之。莫如破無明昏暗。明涅槃性天。是故稜嚴會上佛說三科。七大本如來藏。阿難獲妙本心常住不滅。而白佛言。妙湛總持不動尊。首楞嚴王世希有。消我億劫顛倒想。不歷僧祇獲

法身。願今得果成寶王。還度如是恒沙衆。將此深心奉塵刹。是則名爲報佛恩。天皇追思如是典刑。預勅本寺。令披閱五部大經等。大意如華嚴。佛初成正覺。在菩提樹下。猶如日出先照高山。於海印定中。同時演說十法門。主伴具足。圓融自在。統於九世十世。盡因陀羅網。微細境界。大品。傾般若智水。洗煩惱垢染。大集。於欲色二界間。建立寶坊。宣說正法。遂使菩薩天山龍鬼。擁護其法。至法華會上。開權顯實。爲諸弟子。授記作佛。始暢本懷。涅槃。扶律談常。同醍醐味。上皇宮中。躬所讀誦。法華爲最。蓋此經爲開示悟入佛知見。則悟自性清淨。猶如蓮華不染淤泥。圓覺。薄伽梵入寂光土。示生佛一如妙理。金剛。無相爲宗。如楞嚴隨求光明等神呪。盡是如來祕密境界也。如是經呪。一一功能。自今日說至未來際。無有能盡。雖無有能盡。然不出當人一念之中。經云。過去心不可得。現在心不可得。未來心不可得。且剋那箇時節。作一念麼。已求一念。竟不可得也。直得一一根。一一塵。周遍法界。乃是五輪法界之體也。根塵周遍法界。故所讀誦經呪。一一文字。一一音聲。周遍法界。是則名爲無盡藏陀羅尼門。無盡藏神通門。無盡藏解脫門。到這裏何恩不報。何德不酬。便見光明院。物物上現法王刹。塵塵中轉大法輪。共惟先皇光明院。統御金輪調和玉燭。四海霽刑措之化。萬邦樂治平之風。一朝禪寶

詐於太上皇。專念參上乘於正覺祖。遂落紺髮以圓頂相。更脫袈服而披梵袍。威儀三千。遠追馬勝入來。頭陀十二。遙慕龜氏爲人。不翅稟驚嶺別傳之宗。亦能究龍樹深祕之法。域內聖迹不問遠近。周覽清遊。方外靈踪雖阻烟波。登臨跋涉。如是三十載。使得二六時。故東漸祖風方扇。而西飛佛日再中。若非諸聖乘大願輪。焉得獨力救季運弊。俄示浮雲歸變滅。令知流水莫返回。雖然真淨界中。幸無去來生死之相。但願那伽定裏。恒垂方便接執之悲。又共惟太上天皇。積天曆數。履道希夷。無偏無頗。克遵夏殷之度。惟精惟一。允執堯舜之心。江海無波。燧燧息警。曾辭中宸之位。正富春秋。偏愛西內之閑。能延日月。奎星屈曲肆其筆。天漢昭回垂其文。熟讀麟經。細審古聖褒貶。恒翫犧象。深知時運否威。專盛祇樹之風。不忘靈山之囑。詔顯密碩德。開講席於宮中。容禪教聽徒。接法筵於座側。所以光明院陟方已後。得其位得其祿。見於羹見於牆。營作佛事。一出眷襟。虛空有窮。眷顧無窮。芥城有盡。聖衷無盡。今日特幸本寺。光貴道場。緇素所觀。非言可展。惟願遊戲如在歡喜園。壽命不減安樂國。某道學共闕。才知兼疎。叨膺詔命。乃陞此座。辭不賜免。出來納敗。不勝激切屏營之至。仰冀天覆海涵之恩。枉賜恕宥。復舉趙宋太宗皇帝。智寂大師。進三界圖。帝問朕在那一界中。寂無對。保寧勇代云。陛下何處不稱尊。拈云。太宗御問恰如幢子弩發機。將謂智寂無對。九重密處復

何宜保寧勇代語。唉殺傍觀。忽有人問。光明院三界中在那一界。且以彌勒偈對他道。三界內外法。我說皆是心。離於諸心法。更無有可得。畢竟作麼生。但見皇風成一片。不知何處是封疆。

起峯隆大姊大祥忌請

索話。盡乾坤大地。無纖毫過患。猶是轉句。不見一色。始是半提。更須知有全提時節。別非思量處。識情難測。莫有却把釣竿釣出。靈裏繁底麼。問答罷。乃云。妙性圓明。蓋天蓋地。靈光獨耀。亙古亙今。此中無地容生滅。更向何處存根塵。若道情生智隔。想變體殊。且向六根門頭看。常放一段大光明。在意分別。在身覺觸。在舌辨味。在鼻嗅香。在耳聽聲。映眼之時如千日。萬象不能逃影質。少却箇甚麼。利却箇甚麼。不是心。不是佛。不是物。十成好箇金剛鑽。第一句。第二句。第三句。畢竟當甚碗匙丘。者裏進無門退無路。取不得捨不得。學道須是鐵漢。著手心頭便判。直趣無上菩提。一切是非莫管。此人只解向去。不知却來。一人作主。一人作伴。成就世界。此人只解却來。不知向去。兩般歧路。當頭坐斷。直得無盡藏陀羅尼門。無盡藏解脫門。無盡藏方便門。一時豁開。正恁麼時。要見起峯大姊本來面目麼。大低還他肌骨好。海門斜卯月眉新。復云。娑婆世界南瞻部洲日本京師居住奉三寶弟子右京兆源公。明德元年九月十八日。值起峯隆大姊大祥忌辰。預就西山景德。開建道場。教

請僧衆。三日看閱五部大乘經計二百卷。一日頓寫大乘妙典六萬餘言。命工雕造安養教主阿彌陀如來尊像一軀。今當散忌之辰。特教相國比丘陸座。舉揚宗乘。伏承起峯隆大姊自爲室女。知有祖道。歸依弘宗定知禪師。頂戴衣盂。伸弟子禮。值歲三齋月。月六齋日。過午不食。口誦經咒。又承其辭世。循比丘法。九夏持齋。以故發勞。遂至大故。女人有三從之理。身非已有。所以死後截髮。著比丘衣。依比丘法。茶毘。是標平生之志。經中說持戒功德云。若人教化百千萬人。得須陀洹斯陀含阿那含阿羅漢果。不如有人。

一日一夜持八齋戒。其功德百倍千倍百千萬億倍。乃至算數譬喻所不能及。何況盡形壽具足持十善戒乎。蓋如是功德成就。五濁世中安置他不得。豈不見摩耶夫人。生悉達太子。其功德甚大。南瞻部洲著不得。故七日命終。生忉利天。起峯豈非具類乎。五部大乘經等。其中所說。村僧於諸大宗師面前。口未開先。乞兒破席袋。和底打翻了。復舉舍利弗尊者。因入城。遙見月上天女出城。舍利弗心口思惟。此姊見佛。不知得忍不得忍否。我當問之。纔近便問。大姊往甚麼處去。女曰如舍利弗。與麼去。弗曰。我方入城。汝方出城。何言如我麼去。女曰。諸佛弟子當依何住。弗曰。諸佛弟子依大涅槃而住。女曰。諸佛弟子既依大涅槃而住。而我亦如舍利弗與麼去。頌云。佛子人人住涅槃。城門出入太無端。雖然上樹還授水。一等雞

寒與鴨寒

鷲峯開山法燈國師百年忌請

拈香云。少室二株嫩桂。分此靈種而發生。臨濟一樹老松。同此本根以繁茂。奕葉聯芳。無有窮盡。祥雲瑞靄。常自綿聯。日本國紀州路鷲峯山興國禪寺住持法孫比丘某。思遠守塔比丘某等。應永四年十月十三日。伏值本寺開山勅設法燈圓明國師一百周年忌辰。特命前相國小比丘明應。燕斯寶香。以伸供養。上酬法化恩。伏願真慈垂手。廣度橋邊。教人入諸靈源正脈。不起坐禪石上遍。剎剎開平等法筵。索話云。百億毛頭。師子哮吼。天龍寂聽。香象驚走。若是真師子兒。不妨隨後。有僧出問。得之於心。伊蘭作栴檀之樹。失之於旨。甘露乃瘞梨之園。黃河元是九曲滔天浪出崑崙。答曰。有意氣時添意氣。不風流處也風流。進云。正當今月十三日。本寺開山法燈圓明國師一百周年忌辰。特請和尚。舉揚宗乘。願聞宗乘舉揚。答曰。塞斷耳根。分明聽取。進云。若道日月遷流。古佛過去久矣。若亦不遷流。因甚得一百年。答曰。疑殺天下人。進云。兩頭俱坐斷。一劍倚天寒。答曰。思大難酬。進云。記得耽源因忠國師忌日設齋。有僧問曰。國師還來不。源曰。未具他心。莫是誑糊他麼。答曰。靴裏動指頭。能有幾人知。進云。僧曰。又用設齋作麼。源曰。不斷世諦。爲甚不與本分章料。答曰。爛却肚腸。穿過觸體。進云。祇如今日。設大齋會。喚作世俗諦即是。喚作勝義諦即是。答

曰。仁者見之謂之仁。智者見之謂之智。進云。至竟國師還來麼。答曰。切忌當頭錯過。進云。與麼則一塵入正受。諸塵三昧起。答曰。何處不稱尊。進云。少室家風今何在。紫峯公案又重新。答曰。長江流不盡。松露滴無時。進云。官不容針。私通車馬。如何是衲僧頂顛一著。答曰。待虛空落地向汝道。進云。掃蕩從前舊窠窟。龜毛寸寸重千斤。答曰。脫空謾語。進云。高山仰止。景行行止。答曰。擊鼓弄琵琶。相逢一會家。乃云。法法本來法。山河及大地。全露法王身。燈燈無盡燈。四聖與六凡。盡在燈光裏。圓同太虛。求其邊際不可得。明如十日。光破昏暗悉無餘。直得脫體無依。坐斷十虛。靈機獨運。融消三際。到者裏。離塵明如瞽。師曠聽似聾。臨濟喝奔雷。束之高閣。德山棒默雨。施設無門。所以道。實際理地。不立一塵。且如佛事門中。不捨一法。又作麼生。明應不顧眇劣。忝門下賢孫。嚴命。遠離京師。來入山中。雖特陞此座。實無一法可弘通。且向國師問佛眼曰。一切拋却。以何示人。眼曰。觀箇觀底之處。爲蛇畫足去。拈拄杖云。諸人還見麼。卓一諸人還聞麼。在眼曰見。在耳曰聞。在鼻辨香。在口談論。在手執提。在足運奔。即此見聞非見聞。無餘聲色可呈君。恁麼見得。當在途中不離家舍。常在家舍不離途中。纔透禪床。轉一大藏經。不畜粒米。接待十方雲水。應上坐。今日口裏水瀉瀉地。又卓一若無者箇一著子。爭免得定中老國師。實情三十倍。又卓一下云。

玲瓏八面自開合。峭峻一方誰敢窺。復云。共惟本寺開山勸誡法燈圓明國師大和尚。古佛應世。優曇現華。生於信州拔山川秀發之氣。遊於宋地見叢林全盛之時。始信教外有別傳。入壽福行勇門。扣勝林天祐室。遙聞大方多知識。參癡絕於雙徑。依荆叟於道場。適逢鄉僧源心。指見護國佛眼。眼問名何。答曰。覺心。眼示偈曰。心即是佛。佛即是心心佛如如。互古互今。酬對數回。即蒙印可。師遂問曰。一切拋却。以何爲人。眼曰。觀箇觀底。師便禮拜。辭去遊諸方。後將歸本國。再詣護國。問末後句。眼曰。觀便了。有送行偈。頂相贊付之。又授對御錄。月林語。無門關。遂附商舶。逾海歸朝。入高野山。住金剛三昧院。嗣香爲佛眼。越二年通嗣書。并獻水晶數珠。眼有回書。誨語諄諄。併付法衣。七葉圖。賜對十段錦。月林體道銘。念珠頌等。一日遊紀州由良地。睠然有終焉之志。因開成梵宇。平元帥以相之龜山招。固辭不赴。又十餘年。禪林法皇三詔令住勝林。數召對探禪要。師深談入理。宏辯錯縱。法皇始知宗門有過量事。由是遠近學徒。奔趨如水赴壑。賢愚咸仰以歸焉。不終一季。潛回叢峯。復數年。徒衆數百。捐囊棄。建壽塔於仁和西畔。扁菴曰歲寒。迎師居此說法。緇白欣慰。法皇厚禮。重詢法要。妙辯奏對。皇情大悅。不幾復還叢峯。師接參徒之外。諸宗異學至。皆扣其本宗極致。師委曲辨析。遂以單傳之旨接之。住院四十年。度僧尼不可勝

數。此地雖僻絕荒寒。而登門參扣無虛日。或裹糲誅茅。縛屋就樹。而居。忘軀爲法者。歲不下千指。戊戌四月示微疾。月餘得安。對機如常。十月十三日子時。肅欽威儀端坐。侍僧乞遺偈。云。我平生不好爲頌。今豈作哉。語訖泊然而逝。緇素啼號。如喪考妣。龜留八日。儀貌如生。茶毘獲五色舍利。壽九十二。薨七十四。塔于本山。菴曰思遠。塔號寂光。荻原延慶年中。勸誡法燈圓明禪師。後醍醐天皇誡法燈圓明國師。若以事繫年。則生于承元丁卯。鳥羽御宇也。嘉祿乙酉師年十九。薙髮詣東大寺。登壇受具。直入高野山學密宗。值金剛三昧院之勇公易服。勇還壽福。師隨行。後掌堂司。蓋寬喜貞永之間也。嘉禎乙未二十九。禮和州三輪道法師。爲阿闍梨。登灌頂壇。仁治壬寅三十六。依深草元和尙。受菩薩戒。寶治戊申四十二。自知從前學解。非究竟法。依天祐扣宗門。次歲建長己酉入宋。正當理宗淳祐九年。在宋前後六年。寓雙徑道場護國外。禮補陀。掛錫育王戴舍利。拜大梅塔。陟天台。甲寅師四十八歲。歸日本。康元丙辰年五十。出世金剛。逾年正嘉戊午。通嗣書。弘安庚辰七十四。登熊野妙法山。次年辛巳對御說法。正應辛卯八十五。霹靂雨珠。永仁乙未八十九歲。建思遠。至九十二歲示寂。寔伏見御宇永仁六年戊戌也。師多神異事。母氏一夕夢。見戶藏靈佛。自手燃燈授之。有娠。其自宋歸海中風濤作難。集衆念觀音號。月輪現帆檣上。頃